

EMGANN MONTROULEZ

Pe torfed euzuz eur Peizant euz a Vro-Leon, a gredas
azeza war gador-vreh eur Sous-Prefed.

(War eun ton anavezet)

1- Euz a Vro Leon, Kerne, Gwened,
Tostait, Bretoned, da gleved
Ar renz savet e Montroulez
Gand an dud têr diwar ar mèz:

2- Ne felle mui d'ar beizanted
Poania hep tamm gounid ebed,
Na kredi promesou Pariz,
Trompluz ha leun a drubardiz.

3- Perag skuiza war ar vicher
Dindan an heol er parkeier,
Pa choim fronez kaer an douarou
Da vreind war vord an hentou?

4- Diviza 'rejont eun nozvez
Ober gand eun emgann nîvez,
Ha diskouez skler o ranngalon
'N eur gemer kerbenn ar hanton.

5 - Hag euz pep kér , pep mereuri,
War draktowrien , en o hirri ,
E tredas eur mor a dud
E-touez ar strak hag an tabud.

6 - O kleved eun trouz ken iskiz ,
Tennet euz e gousk eur bouriñ
D'e wreg dioustu a laras : « Klev ,
Mañ peg Kennedy da Groutchev ! »

X 7- Stanket ar ruion , stouvet mad ,
Gant mekanikou an arad ,
Lod a grogas hep mui dale
Da denna mein euz ar pave .

8. Leun a gounnar eur vandenn all
Oe poulzet gant eur spered fall ,
Hag int war eeuñ hep nehamant
Da glask paotz ar Gouarnamant .

X 9- Evel tizet gant ar gurun ,
Strafuilhet - oll e kreiz e hun ,
Euz a zindan pluv e holhed
E tilammas ar Sons - Prefed .

10. Sklaset gant riou ar mintin yen,
Hanter-wisket ar paour-kêz den,
~~K~~ War lost e roched, diarrhenn,
A grogas gand eur brezegenn:

11. - "Daoust ha koll a rit ho spered ?
"District d' al Lezenn, Bretoned.
~~K~~ "Petra 'zonjo 'n Aotrou Debre
"Pa 'n-nervo kelou dizale ?"

12 - "Ni n'om ket chalet gand Debre,
"Debri a rank or bugale !
~~K~~ "Displegit 'ta da Rochers
"Emaom klask gwierz d'on articho

13 - "Bremañ tarit gand ho kalleg,
"Peogwir n'ouzit nemed prezeg,
"Or lezit da ren an afer,
"Pe ker e koustefe d'ho ler."

14 - Ar Sous-Prefed mud a jomas,
Nemed blenjal yud a reas
Pa welas remer ar vandenn
Azezet bras war e dorchenn.

15- Yann-Gouer e-noa lakaet e gik

War skaōñ zantel ar Republik

X War e gador ken enorapl:

- "ça, emezan, c'est formidabl!"

16- Teñval e dal , an den dister

Ne ouie mui petra d'ober,

Spontet dirag ar baotred kran

E tilojas hep kalz a van.

17- Ha neuze dre gêr Montroulez

Oe gwelet gand e familiñ gêz

Eur Sons-Prefed izel e benn

O klask skoazell an archerien

18 - Ha lammad war an telefon ,

Ha gervel Pariz ha Roazon

Ha goulemm nerz ar bolised

Da skuba kuit an haïlhoned .

19- Er Minister oe cholori

Revealzi vraz ha tolompi :

- "Penôz, an dud-se n'int ket fur,
Aloubi eur Sons-Prefektur!"

20- Debré 'brometas war an taol
Sevel marhad e Kastell-Paol.
~~X~~ Ha harpa priz ar patatez
'Vid lakaat peoh e Montroulez.

21- Da hortoz e oé kavet mad
Kas duze pront war ar marhad
Eun niver braz a bolised,
Archerien ha CR Sed.

22- Pa oé echu an abadenn
Hep kann na gwad war an dachenn,
Daou a guezas dindan o fas,
Med unan all a red atao.

23- Diwall, va faotr, ha taol evez,
Te vo kastizet didruez,
Flastret dindan pouez al Lezenn:
Touet eo bet kaoud da grohenn.

24- Torfed enzuz ha dizenor
Eo d'eur peizant lakaad e reor
~~X~~ War gador-vreh eur Sous-Prefed:
Setu gwasa tra 'zo er bed.